

নিজের নেক আমল গোপন করুন

14-January-2020



সাপ্তাহিক সুন্নাতে ভরা ইজতিমার

সুন্নাতে ভরা বয়ান

(Bangla)

(For Islamic Brothers)

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ ط
 أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ ط بِسْمِ اللَّهِ الرَّحْمَنِ الرَّحِيمِ ط
 الصَّلَاةُ وَالسَّلَامُ عَلَيْكَ يَا رَسُولَ اللَّهِ وَعَلَى أٰلِكَ وَأَصْحَابِكَ يَا حَبِيبَ اللَّهِ
 الصَّلَاةُ وَالسَّلَامُ عَلَيْكَ يَا نَبِيَّ اللَّهِ وَعَلَى أٰلِكَ وَأَصْحَابِكَ يَا نُوْرَ اللَّهِ
 نَوَيْتُ سُنَّتَ الْاِغْتِكَافِ

(অর্থাৎ আমি সুন্নাত ইতিকাকফের নিয়্যত করলাম।)

প্রিয় ইসলামী ভাইয়েরা! যখনই মসজিদে প্রবেশ করবেন, মনে করে নফল ইতিকাকফের নিয়্যত করে নিন। কেননা, যতক্ষণ মসজিদে থাকবেন, নফল ইতিকাকফের সাওয়াব অর্জিত হতে থাকবে এবং সাধারণভাবে মসজিদে খাওয়া-দাওয়াও জায়য হয়ে যাবে। ইতিকাকফের নিয়্যতও শুধুমাত্র খাওয়া দাওয়া বা ঘুমানোর জন্য যেনো না হয় বরং এর উদ্দেশ্য যেনো আল্লাহ পাকের সন্তুষ্টি জন্যই হয়। ফতোওয়ায়ে শামীতে বর্ণিত রয়েছে: যদি কেউ মসজিদে খাওয়া দাওয়া বা ঘুমাতে চায় তবে ইতিকাকফের নিয়্যত করে নিন, কিছুক্ষণ আল্লাহ পাকের যিকির করণ অতঃপর যা ইচ্ছা করণ (অর্থাৎ এবার চাইলে খাওয়া দাওয়া বা ঘুমাতে পারেন)।

দরুদ শরীফের ফযীলত

আল্লাহ পাকের সর্বশেষ নবী, হুযুর পুরনূর صَلَّى اللهُ عَلَيْهِ وَآلِهِ وَسَلَّمَ ইরশাদ করেন: إِنَّ اللَّهَ وَكُلَّ بَقِيَّةٍ مِّنْ مَّلَكٍ أَعْطَاهُ اسْمَاعَ الْخَلَائِقِ فَلَا يُصَلِّيْ عَلَى أَحَدٍ إِلَى يَوْمِ الْقِيَامَةِ إِلَّا أَبْلَغَنِيَّ بِاسْمِهِ وَاسْمِ أَبِيهِ هَذَا فَلَانَ بْنِ فَلَانَ قَدْ صَلَّى عَلَيْكَ অর্থাৎ নিশ্চয় আল্লাহ পাক একজন ফিরিশতা আমার কবরে নিযুক্ত করেছেন, যাকে সকল সৃষ্টির আওয়াজ শনার ক্ষমতা প্রদান করেছেন, ব্যস কিয়ামত পর্যন্ত যে কেউ আমার প্রতি

দরুদ শরীফ পাঠ করবে তখন তিনি আমাকে তার এবং তার পিতার নামসহ উপস্থাপন করে (যে,) অমুকের ছেলে অমুক আপনার প্রতি দরুদ শরীফ পাঠ করছে। (মাজমাউয যাওয়ানিদ, কিতাবুল আদইয়াতি, ১০/২৫১, হাদীস ১৭২৯১)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

প্রিয় ইসলামী ভাইয়েরা! আল্লাহ পাকের সন্তুষ্টি ও সাওয়াব অর্জনের উদ্দেশ্যে প্রথমে কিছু ভালো ভালো নিয়্যত করে নিই। প্রিয় নবী صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “نَبِيُّهُ الْمُوْمِنِ خَيْرٌ مِنْ عَمَلِهِ” মুসলমানের নিয়্যত তার আমল অপেক্ষা উত্তম।

(মু'জামুল কাবীর, সাহাল বিন সা'আদ, ৬/১৮৫, হাদীস নং ৫৯৪২)

গুরুত্বপূর্ণ পয়েন্ট: নেক ও জায়িয় কাজে যত ভালো নিয়্যত হবে, সাওয়াবও তত বেশি পাওয়া যাবে।

বয়ান শ্রবণ করার নিয়্যত সমূহ

★ দৃষ্টিকে নত রেখে মনোযোগ সহকারে বয়ান শ্রবণ করবো।
★ হেলান দিয়ে বসার পরিবর্তে ইলমে দ্বীনের সম্মানার্থে যতক্ষণ সম্ভব দু'যানু হয়ে বসবো। ★ تَوْبُوْا اِلَى اللّٰهِ، اُدْكُوْا اللّٰهَ، صَلُّوا عَلٰى الْحَبِيبِ! ইত্যাদি শুনে সাওয়াব অর্জন এবং আওয়াজ প্রদানকারীর মনতুষ্টির জন্য উচ্চস্বরে উত্তর প্রদান করবো। ★ ইজতিমার পর নিজেই আগে এসে সালাম ও মুসাফাহা এবং এক একজনকে ব্যক্তিগতভাবে বুঝাবো।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

প্রিয় ইসলামী ভাইয়েরা! আমাদের আজকের বয়ানের বিষয়বস্তু হলো “নিজের নেক আমল গোপন করুন”। এই বয়ানে “নিজের নেক আমল গোপন করা” সম্পর্কে কোরআনের আয়াত ও হাদীসে মুবারাকা,

বুয়ুর্গানে দ্বীনদের চিন্তাধারা, “নিজের নেক আমল গোপন করার” ফযীলত, বুয়ুর্গানে দ্বীনদের رَحْمَهُمُ اللهُ السُّبِّينُ বাণী ও ঘটনাবলী, “নিজের নেক আমল গোপন করার” জন্য মিথ্যা বলা কেমন? নেকী প্রকাশ করার জায়গি অবস্থা এবং অন্যান্য আরো কিছু গুরুত্বপূর্ণ পয়েন্ট এই বয়ানে আমরা শুনবো। হায়! সম্পূর্ণ বয়ান ভাল ভাল নিয়ত সহকারে যেনো আমাদের শূনা নসীব হয়ে যায়।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

সায়্যিদুনা সিদ্দিকে আকবর رَضِيَ اللهُ عَنْهُ এর গোপন আমল

হযরত সায়্যিদুনা ওমর ফারুককে আযম رَضِيَ اللهُ عَنْهُ রাতের বেলা মদীনা পাকের কোন একটি এলাকায় বসবাসকারী একজন অন্ধ বৃদ্ধা মহিলার ঘরোয়া কাজকর্ম করে দিতেন, যেমন; তার নিকট পানি নিয়ে আসতেন এবং তার সকল কাজ করে দিতেন। প্রতিদিনকার মতো একবার তিনি সেই বৃদ্ধা মহিলার ঘরে আসলেন, তখন এটা দেখে আশ্চর্য হয়ে গেলেন যে, সকল কাজই তার পূর্বে কেউ করে দিয়েছে, দ্বিতীয় দিন একটু তাড়াতাড়িই আসলেন, তখনও একই অবস্থা দেখলেন যে, সব কাজ পূর্বেই হয়ে গিয়েছে, যখন দুই তিনদিন এরূপ হলো তখন ওমর ফারুক رَضِيَ اللهُ عَنْهُ খুবই চিন্তিত হলেন যে, এমন কে আছেন যে নেকীতে আমার চেয়ে অগ্রগামী হয়ে যাচ্ছে? একদিন দিনের বেলায় তিনি এসে লুকিয়ে রইলেন, যখন রাত হলো তখন দেখলেন যে, যুগের খলিফা আমিরুল মুমিনিন হযরত সায়্যিদুনা আবু বকর সিদ্দিক رَضِيَ اللهُ عَنْهُ আগমন করলেন এবং সেই অন্ধ বৃদ্ধার সকল কাজ করে দিলেন। ওমর ফারুক رَضِيَ اللهُ عَنْهُ খুবই আশ্চর্য হলেন যে, যুগের খলিফা হওয়ার পরও এরূপ বিনয়! অতঃপর নিজেই

বললেন: আমিরুল মুমিনিন হযরত সায্যিদুনা আবু বকর সিদ্দিক رَضِيَ اللهُ عَنْهُ ই, যিনি নেকীতে আমার চেয়ে অগ্রগামী হয়ে থাকেন।

(কানযুল উম্মাল, কিতাবুল ফাযায়িল, ১২তম অংশ, ৬/২২১, হাদীস ৩৫৬০২)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

প্রিয় ইসলামী ভাইয়েরা! আপনারা শুনলেন তো! আমিরুল মুমিনিন, খলিফাতুল মুসলিমিন হযরত সায্যিদুনা সিদ্দিকে আকবর رَضِيَ اللهُ عَنْهُ যুগের খলিফা হওয়ার পরও সেই অন্ধ বৃদ্ধার ঘরের কাজকর্ম স্বয়ং নিজের হাত মুবারকে করে দিতেন। এটাও জানা গেলো! আমিরুল মুমিনিন হযরত সায্যিদুনা সিদ্দিকে আকবর رَضِيَ اللهُ عَنْهُ এই বিষয়টি একেবারেই পছন্দ করতেন না যে, অন্য কেউ তার আমল সম্পর্কে জেনে তাঁর প্রশংসা করুক, তাইতো রাতের অন্ধকারে গোপনে সেই অন্ধ বৃদ্ধার ঘরের কাজকর্ম করে দিতেন। আমিরুল মুমিনিন হযরত সায্যিদুনা সিদ্দিকে আকবর رَضِيَ اللهُ عَنْهُ এর নিজের নেক আমল গোপন করার প্রেরনার প্রতি কোটি কোটি সালাম। এই ঘটনায় আমিরুল মুমিনিন হযরত সায্যিদুনা সিদ্দিকে আকবর رَضِيَ اللهُ عَنْهُ এর বিনয় ও নম্রতাও নিজেই নিজের উদাহরণ। এই ঘটনায় আমিরুল মুমিনিন হযরত সায্যিদুনা সিদ্দিকে আকবর رَضِيَ اللهُ عَنْهُ এর উম্মতে মুস্তফার কল্যাণ কামনারও খুবই সুন্দর ঝলক দেখা গেলো। এই ঘটনাটি আমিরুল মুমিনিন হযরত সায্যিদুনা সিদ্দিকে আকবর رَضِيَ اللهُ عَنْهُ এর গরীবের প্রতি ভালবাসারও উদাহরণ এবং তাঁর অন্তরে নেকীতে অগ্রগামী হওয়ার প্রবল সত্য প্রেরণা বিদ্যমান ছিলো। হায়! আমিরুল মুমিনিন হযরত সায্যিদুনা সিদ্দিকে আকবর رَضِيَ اللهُ عَنْهُ এর এই সকল মহান বৈশিষ্ট্য থেকে আমাদেরও যেনো কিছু নসীব হয়ে যায়।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

হে আশিকানে রাসূল! সমাজে বসবাসকারী মানুষের মধ্যে একটি অংশ রয়েছে, যারা এরূপ উপায় অবলম্বন করে থাকে, যাতে তাদের প্রসিদ্ধি লাভ হয় আর আল্লাহ ওয়ালারা প্রসিদ্ধিকে পছন্দ করেন না বরং নিজের ইবাদত ও নেক আমল সমূহ গোপন করার চেষ্টা করে থাকে।

প্রসিদ্ধি লাভের পর আমি জীবিত থাকতে চাই না

হযরত আল্লামা ইয়াফেয়ী رَحْمَةُ اللَّهِ عَلَيْهِ উদ্ধৃত করেন: এক বুয়ুর্গ رَحْمَةُ اللَّهِ عَلَيْهِ এই দোয়া করতেন: “হে আল্লাহ পাক! আমাকে তোমার দয়া ও অনুগ্রহ দ্বারা ধন্য করো কিন্তু মানুষের মাঝে অপরিচিত রাখো যে, মানুষ যেনো আমাকে না চিনে।” একরাতে তিনি নামাযে কান্নাকাটি করছিলেন, তখন কিছু মানুষ দেখলো যে, তাঁর মাথায় একটি নূরানী প্রদীপ আলোকিত হয়ে আছে, যার আলোয় চোখ হতবাক হচ্ছিল। সকালে তাঁর দরবারে রাতের কারামত সম্পর্কে উল্লেখ করলো, তখন তিনি অস্থির হয়ে গেলেন যে, মানুষের মাঝে তাঁর ইবাদত কেন প্রকাশ পেলো? অস্থিরভাবে নিজের হাত আল্লাহ পাকের দরবারে উঠিয়ে দিলেন এবং আরয করলেন: “হে গোপনীয় বিষয় অবহিত পরওয়ারদিগার! আমার গোপনীয়তা প্রকাশ পেয়ে গেছে, অতএব এখন আর আমি এই প্রসিদ্ধির পর জীবিত থাকতে চাই না।” একথা বলে নিজের মাথা সিজদায় রেখে দিলেন। লোকেরা নেড়েচেড়ে দেখলেন, তখন দেখা গেলো তার রুহ (শরীর হতে) বের হয়ে গেছে।

(রউয়ুর রায়াহীন, ২৮৮ পৃষ্ঠা)

صَلِّ عَلَى الْحَبِيبِ! صَلَّى اللَّهُ عَلَى مُحَمَّدٍ

নিজের নেক আমল গোপন করার অনন্য পদ্ধতি

হযরত আবুল হাসান মুহাম্মদ বিন আসলাম তুসী رَحْمَةُ اللهِ عَلَيْهِ নিজের নেকী সমূহ গোপনের প্রতি খুববেশি খেয়াল রাখতেন, এমনকি একবার বলতে লাগলেন: “যদি আমার ক্ষমতা থাকতো তবে আমি আমল লেখক উভয় ফিরিশতা থেকেও গোপনে ইবাদত করতাম।” হযরত আবু আব্দুল্লাহ رَحْمَةُ اللهِ عَلَيْهِ বলেন: আমি বিশ বছরেরও বেশি সময় ধরে হযরত আবুল হাসান رَحْمَةُ اللهِ عَلَيْهِ সহচর্যে ছিলাম, কিন্তু জুমা মুবারক (এবং অন্যান্য ফরয ও ওযাজিব) ব্যতীত কখনোই তাঁকে দুই রাকাত নফল নামাযও পড়তে দেখিনি, কেননা তিনি رَحْمَةُ اللهِ عَلَيْهِ পানির পাত্র নিয়ে নিজের বিশেষ কক্ষে চলে যেতেন এবং ভেতর থেকে দরজা বন্ধ করে নিতেন। আমি কখনোই জানতে পারিনি যে, তিনি কক্ষে কি করছেন, এমনকি একদিন তাঁর সন্তান জোরে জোরে কান্না করতে লাগলো এবং তাঁর মা তাকে চুপ করানোর চেষ্টা করছিলেন। আমি জিজ্ঞাসা করলাম: “এই শিশু এভাবে কান্না করছে কেন?” বিবি সাহেবা বললেন: “তাঁর আব্বু অর্থাৎ হযরত আবুল হাসান তুসী رَحْمَةُ اللهِ عَلَيْهِ এই কক্ষে প্রবেশ করে কোরআন তিলাওয়াত করেন এবং কান্না করেন, তখন সেও তাঁর আওয়াজ শুনে কান্না করতে থাকে।”

শায়খ আবু আব্দুল্লাহ رَحْمَةُ اللهِ عَلَيْهِ বলেন: “হযরত আবুল হাসান رَحْمَةُ اللهِ عَلَيْهِ (রিয়াকারীর ধ্বংসলীলা থেকে বাঁচার জন্য) নেকী গোপন করতে খুবই চেষ্টা করতেন, এভাবে যে, তিনি তাঁর সেই বিশেষ কক্ষ থেকে ইবাদত করার পর বের হওয়ার পূর্বে নিজের মুখ ধৌত করে এবং চোখে সুরমা লাগিয়ে নিতেন, যাতে চেহারা এবং চোখ দেখে কেউ বুঝতে না পারে যে তিনি কান্না করেছিলেন।

(হিলইয়াতুল আউলিয়া, মুহাম্মদ বিন আসলাম, ৯/২৫৪, নম্বর ১৩৮০৩)

তिलाওয়াতের আদব

প্রিয় ইসলামী ভাইয়েরা! জানতে পারলাম যে, কোরআন তিলাওয়াত করার সময় বা শুনার সময় কান্না করা আমাদের বুয়ুর্গানে দ্বীনদের পদ্ধতি বরং সুন্নাতে মুস্তফা। জি হ্যা! প্রিয় নবী صَلَّى اللهُ عَلَيْهِ وَآلِهِ وَسَلَّمَ কোরআনে করীমের তিলাওয়াত করার সময় আর শুনার সময় অনেক সময় মুবারক চোখ থেকে অশ্রু মুবারক প্রবাহিত করতেন। যাইহোক! কোরআন তিলাওয়াতের সময় যখন আল্লাহ পাকের শান ও মহত্ব, বুয়ুর্গী ও কিবরিয়ায়ীর কল্পনা করবে, যখন এই কল্পনা প্রতিষ্ঠিত হবে যে, আমি আমার প্রতিপালকের বাণী সমূহ পড়ছি, আমার প্রতিপালক আমার সাথে কথা বলছেন, যখন কোরআনে করীম বুঝে অনুবাদ ও তাফসীর সহকারে পাঠ করবে এবং আল্লাহ পাকের কঠোর গ্রেফতার, কিয়ামত এবং জাহান্নামের প্রতি চিন্তা করবে তখন কান্না নসীব হবে।

ঘটনা

হযরত সালাহ মুররী رَحْمَةُ اللهِ عَلَيْهِ বলেন: আমি স্বপ্নে নবী করীম, রউফুর রহীম صَلَّى اللهُ عَلَيْهِ وَآلِهِ وَسَلَّمَ এর সামনে কোরআনে পাকের তিলাওয়াত করি, তখন প্রিয় নবী صَلَّى اللهُ عَلَيْهِ وَآلِهِ وَسَلَّمَ জিজ্ঞাসা করলেন: হে সালাহ! এটা তো কোরআনের তিলাওয়াত! কান্না কোথায়? (ইহইয়াউল উলুম, ১/৮৩৬)

সিজদায় রাত অতিবাহিতকারী বান্দা

প্রিয় ইসলামী ভাইয়েরা! আমরা খোদাভীতিতে অশ্রু বর্ষনের ফযীলত শুনলাম। আল্লাহ ওয়ালাদের পদ্ধতি ছিলো যে, যেমনিভাবে তারা আল্লাহ পাকের ভয়ে কান্না করতেন, তেমনি তারা রাতদিনও আল্লাহ পাকের ইবাদতে অতিবাহিত করতেন, এরূপ লোকদের ব্যাপারে আল্লাহ পাক ১০তম পারা, সূরা ফোরকানের ৬৪-৬৬ নং আয়াতে ইরশাদ করেন:

وَالَّذِينَ يَسْتُوتُونَ لِرَبِّهِمْ سُجَّدًا
 وَقِيَامًا ﴿١١٧﴾ وَالَّذِينَ يَقُولُونَ
 رَبَّنَا اصْرِفْ عَنَّا عَذَابَ جَهَنَّمَ
 إِنَّ عَذَابَهَا كَانَ غَرَامًا ﴿١١٨﴾ إِنَّهَا
 سَاءَتْ مُسْتَقَرًّا وَمُقَامًا ﴿١١٩﴾

(পারা ১৯, সূরা ফোরকান, আয়াত ৬৪-৬৬)

কানযুল ঈমান থেকে অনুবাদ: আর ঐসব লোক, যারা রাত অতিবাহিত করে আপন রবের জন্য সিজদা ও কিয়ামের মধ্যে এবং ঐসব লোক, যারা আরয করে, ‘হে আমাদের রব! আমাদের দিক থেকে ফিরিয়ে দাও জাহান্নামের শাস্তিকে; নিশ্চয় সেটার শাস্তি হচ্ছে গলার শৃঙ্খল’। নিশ্চয় তা অতি নিকৃষ্ট অবস্থানস্থল।

তাকসীরে সীরাতুল জিনানে এই আয়াতের আলোকে যা কিছু লিখা রয়েছে, আসুন! তার সারমর্ম শুনার সৌভাগ্য অর্জন করছি: এখানে পরিপূর্ণ ঈমানদারদের একাকীত্ব জীবন সম্পর্কে বর্ণনা করা হচ্ছে, অতএব ইরশাদ করেন: কামিল ঈমানদারদের নির্জনতা ও একাকিত্বের অবস্থা এমন যে, তাদের রাত আল্লাহ পাকের জন্য নিজের চেহারা অবনত অবস্থায় সিজদা করে এবং নিজেদের পায়ের উপর কিয়াম করে অতিবাহিত হয়।

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

প্রিয় ইসলামী ভাইয়েরা! আপনারা শুনলেন তো! আমাদের বুয়ুর্গরা নেকী গোপন করার কিরূপ উপায় অবলম্বন করতেন। হায়! এই নেককার বান্দাদের সদকায় আমরাও যেনো নেককার হয়ে যাই। আর শরীয়াতের বিনা অনুমতিতে এবং বিনা প্রয়োজনে নিজের নফল রোযা, কোরআন তিলাওয়াত, সদকা ও খয়রাত, ওযীফা পাঠ, নিজের সৈয়দ, হাফিয় এবং আলিমে দ্বীন হওয়া শরীয়াতের বিনা অনুমতিতে এবং বিনা প্রয়োজনে কাউকে বলবেন না। হুযুর মুফতীয়ে আযম হিন্দ, মাওলানা মুস্তফা রযা খাঁন رَحْمَةُ اللَّهِ عَلَيْهِ যিনি ছিলেন আলা হযরত رَحْمَةُ اللَّهِ عَلَيْهِ এর বড় শাহজাদা, খুবই সুন্দরভাবে মনোযোগ আকর্ষণ করে বলেন: প্রথমত নফসে আন্মারা

আমাদেরকে নেকী করতেই দেয় না আর যদি কোন নেকী করার সৌভাগ্য হয়েও যায় তবে আমাদের খারাপ নফস নেকী গোপন করতে দেয় না।

নিজের নেক আমল গোপন করার ফযীলত

আমাদের প্রিয় নবী ﷺ ও আমাদেরকে নিজের নেক আমল গোপন করার উৎসাহ দিয়েছেন।

ইরশাদ করেন: তোমাদের মধ্যে যে ব্যক্তি নেক আমল গোপন রাখার ক্ষমতা রাখো তবে তার উচিত, সে যেনো এরূপ করে (অর্থাৎ নিজের নেক আমলকে গোপন করে)। (জামে সগীর, ৫১২ পৃষ্ঠা, হাদীস ৮৪০৫)

রাসূলে পাক ﷺ ইরশাদ করেন: ঐ যিকির, যা পাহারাদার ফিরিশতারাও শুনতে পায়না, ঐ যিকির, যা শুনতে পায়, সত্তর গুণ বেশি মর্যাদাপূর্ণ। (কানযুল উম্মাল, কিতাবুয যিকির, ১/২২৭, ১ম অংশ, হাদীস ১৯২৫)

আহ! আমরা যেনো আমারদের নফল রোযা, নফল নামায, নফল হজ্ব এবং ওমরা, সদকা ও খয়রাত, দ্বীনি খেদমতের কথা বিনা কারণে বলে বেড়ানো থেকে বেঁচে থাকি, তাহাজ্জুদ, ইশরাক ও চাশত এবং আওয়াবিন ইত্যাদি নফল নামায যথাসম্ভব মানুষের কাছ থেকে গোপন করি এবং নফল নামায গোপনে পড়ার অভ্যাস গড়ি। আসুন! আমি আপনাদেরকে এর ফযীলত বলছি।

জাহান্নাম থেকে মুক্তির কারণ

আমীরে আহলে সুন্নাত, হযরত আল্লামা মাওলানা মুহাম্মদ ইলইয়াস আত্তার কাদেরী رَضِيَ اللهُ عَنْهُ "ফয়যানে নামায" এর ৮০ পৃষ্ঠায় লিখেন: প্রিয় নবী ﷺ ইরশাদ করেন: যে ব্যক্তি

একাকিত্তে দুই রাকাত নামায এমনভাবে পড়লো যে, আল্লাহ পাক ও তাঁর ফিরিশতারা ব্যতীত কেউ দেখলো না, তার জন্য জাহান্নাম থেকে মুক্তি লিখে দেয়া হয়। (কানযুল উম্মাল, ৭ম অংশ, ৪/১২৫, ১৯০১৫)

তা প্রিয় নবী **صَلَّى اللهُ عَلَيْهِ وَآلِهِ وَسَلَّمَ** এর আরো চারটি বাণী দ্বারা বুঝুন।

- (১) মানুষের এমন জায়গায় নফল নামায পড়া, যেখানে লোকজন তাকে দেখবে না, তা মানুষের সামনে আদায়কৃত ২৫ (রাকাত) নামাযের সমান। (কানযুল উম্মাল, কিতাবুল আখলাক, ৩য় অংশ, ৩/১২, হাদীস ৫২৬৩)
- (২) গোপনে দানকৃত সদকা আল্লাহ পাকের গ্যবকে প্রশমিত করে।
(মু'জাম কবীর, ১৯/৪২১, হাদীস ১০১৮)
- (৩) গোপনে করা আমল প্রকাশ্য আমলের চেয়ে ৭০ গুণ বেশি উত্তম।
(ফেরদৌসু আখবার, ৩/১২৯, হাদীস ৪৩৪৮)
- (৪) গোপনে করা আমল প্রকাশ্য আমলের চেয়ে উত্তম।
(ফেরদৌসু আখবার, ২/৩৪৭, হাদীস ৩৫৭২)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

প্রিয় ইসলামী ভাইয়েরা! মনে রাখবেন! নিজের নেক আমল গোপন করার উদ্দেশ্য হলো নিজের নেক আমলকে নষ্ট হওয়া থেকে বাঁচানো, কেননা নফস ও শয়তান মানুষের প্রকাশ্য শত্রু। নফস ও শয়তান মানুষকে নেকী করা থেকে বাধা দেয় আর যদি মানুষ সাহস করে নেক আমল করে নেয় তবে নফস ও শয়তান মানুষের অন্তরে নেকী সমূহ প্রকাশ করার আকাঙ্ক্ষা সৃষ্টি করে থাকে, যাতে বান্দা নিজের নেক আমল সমূহ বলে নিজের নামায, তিলাওয়াত, যিকির আযকার, সদকা ও খয়রাত ইত্যাদি প্রচার করে নেকনামীর প্রশংসা শুনে, অহঙ্কার এবং আত্ম সম্মানবোধ এবং রিয়াকারীর ধ্বংসলীলার কারণে ধ্বংস হয়ে যায়।

হে আশিকানে রাসূল! আমাদের উচিত, নিজের যেকোন নেক কাজকে যথাসম্ভব গোপন রাখা, বিনা কারণে কাউকে না বলা, কেননা নেকী প্রকাশ করাতে মানুষের নেকী সমূহ কমে যেতে পারে, নেকী প্রকাশ করাতে মানুষের নেকী সমূহ নষ্ট হয়ে যেতে পারে এবং নেকী সমূহ প্রকাশ করাতে মানুষ গুনাহগারও হতে পারে। আল্লাহ পাক আমাদের অবস্থার প্রতি সদয় হোন, নেক আমল করে তা গোপন করা কঠিন কিন্তু অসম্ভব নয়। মনে রাখবেন! নেক আমল করাতে কষ্ট হয়ে থাকে, কিন্তু নেকী গোপন করার কষ্ট, নেকী করার কষ্টের চেয়ে বেশি।

রাসূলে পাক **صَلَّى اللهُ عَلَيْهِ وَآلِهِ وَسَلَّمَ** ইরশাদ করেন: নিশ্চয় আমল করে তা রিয়া থেকে বাঁচানো আমল করা থেকে বেশি কঠিন আর মানুষ কোন আমল করলো তখন তার জন্য এমন নেক আমল লিখে দেয়া হয়, যা একাকীতে করা হয়েছে এবং তার জন্য সত্তর গুণ সাওয়াব বৃদ্ধি করে দেয়া হয়, অতঃপর শয়তান বান্দাকে উদ্ভুদ্ধ করতে থাকে, একপর্যায়ে সে এই আমলটি মানুষের সামনে প্রকাশ করে দেয়, তখন তার জন্য এই আমল গোপনের পরিবর্তে প্রকাশ্যে লিখে দেয়া হয় এবং সাওয়াবের সত্তর গুণ মিটিয়ে দেয়া হয়। শয়তান তারপরও মানুষের সাথে লেগে থাকে, এমনকি সে দ্বিতীয়বার মানুষের সামনে সেই আমলের উল্লেখ করে এবং চায় যে, লোকেরাও এর আলোচনা করুক আর এই আমলের কারণে তার প্রশংসা করুক, তখন তা প্রকাশ্যেও মিটিয়ে দিয়ে রিয়াকারীতে লিপিবদ্ধ করে দেয়া হয়, ব্যস বান্দা যেনো আল্লাহ পাককে ভয় করে, নিজের দ্বীনের হিফায়ত করে এবং নিশ্চয় রিয়াকারী শিরকে আছগর তথা ছোট শিরক।

(নেকীয়া চূপাও, ২২ পৃষ্ঠা)

হযরত আল্লামা আব্দুল গনী নাবলুসী رَحْمَةُ اللهِ عَلَيْهِ বলেন: যখন রিয়া ও একনিষ্ঠতার মধ্যে প্রতিটিতে শয়তানী চাল এবং ধোকাবাজি রয়েছে তখন তোমার সতর্ক থাকা আবশ্যিক। ব্যস! যদি তুমি জানো না যে, তুমি মুখলিস নাকি রিয়াকার তখন তোমার নেক আমল গোপন করাই উত্তম, কেননা এতে তোমার জন্য কোন প্রকার ক্ষতি নেই।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

আসুন! রিয়াকারীর আপদ থেকে মুক্তি পেতে এবং নিজের নেক আমল গোপন করার মানসিকতা তৈরী করতে হযরত দাউদ তাঈ رَحْمَةُ اللهِ عَلَيْهِ এর জীবনের একটি ঈমান তাজাকারী ঘটনা শুনি।

চল্লিশ বছর নফল রোযা রাখেন কিন্তু...

হযরত দাউদ তাঈ رَحْمَةُ اللهِ عَلَيْهِ লাগাতার চল্লিশ বছর পর্যন্ত রোযা রাখতে থাকেন কিন্তু তাঁর একনিষ্ঠতার অবস্থা এমন ছিলো যে, নিজের পরিবারের লোকেরাও জানতে পারেনি। তা এভাবে যে, কাজে যাওয়ার সময় দুপুরের খাবার সাথে নিয়ে নিতেন এবং পথে কাউকে দিয়ে দিতেন, মাগরিবের পর ঘরে এসে খাবার খেয়ে নিতেন। (তারিখে বাগদাদ, ৮/৩৪৬)

প্রিয় ইসলামী ভাইয়েরা! নিজের নেক আমল, রোযা এবং সদকা ও খয়রাতকে গোপন রাখা সম্পর্কে হযরত ঈসা عَلَيْهِ الصَّلَاةُ وَالسَّلَام এর বাণী হলো: যখন তোমাদের মধ্যে কেউ রোযা রাখবে তখন সে যেনো তার মাথা এবং দাঁড়িতে তেল লাগিয়ে এবং ঠোঁটেও হাত বুলিয়ে দেয়া, যাতে মানুষ জানতে না পারে যে, সে রোযাদার এবং যখন ডান হাতে দান করবে তখন যেনো বাম হাত না জানে আর যখন নামায পড়বে তখন নিজের দরজায় পর্দা দিয়ে দেয়। (ইহইয়াউল উলুম, ৩/৩৬১)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

হে আশিকানে রাসূল! আপনারা শুনলেন তো! যে সব নেকী গোপন করা যাবে, তা গোপন করা উচিত, কেননা গোপন আমল হলো উত্তম বরং প্রকাশ্য আমলের চেয়ে সত্তর গুণ ফযীলতপূর্ণ। একাকি গোপনে নফল নামায পড়া মানুষের সামনে পড়ার চেয়ে উত্তম, একাকি গোপনে দুই রাকাত নফল আদায়কারীর জন্য জাহান্নাম থেকে মুক্তি লিখে দেয়া হয়। গোপন আমল আল্লাহ পাকের গযবকে প্রশমিত করে, অহঙ্কার থেকে বাঁচায়, পদলোভীতা থেকে বাঁচায়, রিয়াকারীর ধ্বংসলীলা থেকে বাঁচায়, আল্লাহর আরশে ছায়ায় জায়গা প্রদান করে এবং গুনাহ ক্ষমা করায়, এমনকি ফিরিশতাদের বড় দলের দোয়া এবং ফিরিশতাদের নিরাপত্তা অর্জন করার উপায় হয়।

একাকিত্বে ইবাদতের ফযীলত

তাবেয়ী বুযুর্গ হযরত কাবুল আহবার رَحْمَةُ اللَّهِ عَلَيْهِ বলেন: যে ব্যক্তি একটি রাতও আল্লাহ পাকের এরূপ ইবাদত করলো যে, তাকে পরিচিত কেউ দেখলো না তখন সে গুনাহ থেকে এমনভাবে বের হয়ে গেলো, যেমনিভাবে তার রাত থেকে (দিনের দিকে) বের হয়ে যায়।

(হিলইয়াতুল আউলিয়া, কাআবুল আহবার, ৫/৪২০, নম্বর ৭৫৯০)

নিজের নেক আমলকে গোপন রাখার ফযীলত

আরো বলেন: যার এটা পছন্দ যে, ফিরিশতাদের একটি বড় দল তার জন্য মাগফিরাতের দোয়া করে করুক, তার হিফায়ত করুক এবং দুঃখ থেকে অমুখাপেক্ষী হয়ে যাক তবে তার উচিত, যতটুকু সম্ভব ঘরে গোপনে নামায পড়া। তার জন্য সুসংবাদ রয়েছে, যে নিজের ঘরকে সিজদার স্থান বানিয়ে নেয়। তিনি আরো বলেন: মসজিদ হলো পৃথিবীতে

মুত্তাকী লোকদের বাসস্থান আর আল্লাহ পাক তাঁর ফিরেশতাদের সামনে সেই লোকদের ব্যাপারে গর্ব করেন যে, নিজের নামায, রোযা এবং দান খয়রাত গোপন রাখেন। (হিলইয়াতুল আউলিয়া, কাআবুল আহবার, ৫/৪২১, নম্বর ৭৫৯৫)

দান ও খয়রাত গোপনভাবে প্রদানকারীর প্রশংসা কোরআনে করীমে করা হয়েছে। যেমনটি ওয় পারা সূরা বাকারার ২৭১ নং আয়াতে আল্লাহ পাক ইরশাদ করেন:

إِنْ تَبَدُّوا الصَّدَقَاتِ فَنِعِمَّا هِيَ وَإِنْ
تُخْفَوْهَا وَتُوتُوهَا الْفُقَرَاءَ فَهُوَ خَيْرٌ
لَّكُمْ وَيُكَفِّرُ عَنْكُمْ مِنْ سَيِّئَاتِكُمْ

وَاللَّهُ بِمَا تَعْمَلُونَ خَبِيرٌ ﴿٢٧١﴾

(পারা ৩, সূরা বাকারা, আয়াত ২৭১)

কানযুল ঈমান থেকে অনুবাদ: যদি দান প্রকাশ্যে করো তবে তা কতোই ভালো কথা এবং যদি গোপনে অভাবগ্রস্থদের দান করো তবে তা তোমাদের জন্য সবচেয়ে উত্তম আর এতে তোমাদের কিছু পাপ মোছন হবে এবং আল্লাহ তোমাদের কার্যাদি সম্পর্কে অবহিত।

নেক আমল গোপন করার জন্য মিথ্যা বলা কেমন?

হে আশিকানে রাসূল! রিয়াকারী ইত্যাদির ধ্বংসলীলা থেকে বাঁচার জন্য নেকীকে গোপন রাখা প্রয়োজন, কিন্তু নেকী গোপন করার জন্য মিথ্যা বলার কখনোই অনুমতি নেই, যেমন; হজ্ব, নফল রোযা, কোরআন হিফয, আলিম বা সৈয়দ হওয়া সম্পর্কে যদি কেউ জিজ্ঞাসা করলে তবে মিথ্যা বলার কখনোই অনুমতি নেই।

নিজের নেক আমল প্রকাশ করার জায়গা অবস্থা

প্রিয় ইসলামী ভাইয়েরা! মনে রাখবেন! নেকী সমূহ যথাসম্ভব গোপন রাখাতেই নিরাপত্তা, কিন্তু কিছু কিছু অবস্থায় ভাল ভাল নিয়ত সহকারে তা প্রকাশ করারও অনুমতি রয়েছে, যেমন; এরূপ ব্যক্তি যারা

মানুষের ইমাম, লোকেরা তার প্রতি ভক্তি ও ভালবাসা পোষণ করে এবং নেক আমলে তার অনুসরণ করে তবে এরূপ ব্যক্তির মানুষের উৎসাহ প্রদানের নিয়তে নিজের আমলকে প্রকাশ করা শুধু জায়িয নয় বরং উত্তম।

হযরত সায়্যিদুনা আব্দুল্লাহ ইবনে ওমর رَضِيَ اللهُ عَنْهُمَا থেকে বর্ণিত: নবী করীম صَلَّى اللهُ عَلَيْهِ وَآلِهِ وَسَلَّمَ ইরশাদ করেন: গোপন ইবাদত প্রকাশ্য ইবাদতের চেয়ে উত্তম এবং মানুষ যাকে অনুসরণ করে তার প্রকাশ্যে ইবাদত গোপন ইবাদতের চেয়ে উত্তম। (শুয়াবুল ইমান, ৫/৩৭৬, হাদীস ৭০১২)

নিজের থেকে অপবাদ দূর করতে এবং মানুষকে কুধারনা থেকে বাঁচাতেও নিজের আমল প্রকাশ করার অনুমতি রয়েছে, যেমনটি তাফসীরে রুহুল বয়ানে রয়েছে: যদি নেক আমল ফরযের মধ্যে হয় তবে তো ফরযের হকের মধ্যে এটাও রয়েছে যে, তার প্রকাশ্যে সম্পাদন করা। রাসূলে পাক صَلَّى اللهُ عَلَيْهِ وَآلِهِ وَسَلَّمَ এর মহান বাণী হলো: আল্লাহ পাকের ফরয সমূহ গোপন করা উচিৎ নয়। (আন নিহায়, ৩/৩৪৮)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

প্রিয় ইসলামী ভাইয়েরা! মানুষের উচিৎ, তার মাঝে যেসকল গুণাবলী রয়েছে বা তার যেকোন নেক আমল সম্পাদন করার সৌভাগ্য অর্জিত হয়েছে তবে আল্লাহ পাকের কৃতজ্ঞতা জ্ঞাপন করা যে, তিনিই এই গুণ এবং নেক আমল করার তৌফিক প্রদান করেছেন। অতঃপর আমল করে নেয়ার পর ভয়ের অবস্থা সৃষ্টি হওয়া যে, তার এই আমল আল্লাহর দরবারে কবুল হয়েছে নাকি হয়নি? যখন আমল কবুলিয়তের বিষয়ে জানাই নেই তখন এই আমলের ব্যাপারে মানুষকে জানানো এবং দেখানোর লাভ কি? তবে হ্যা! যদি সেই নেক আমল আল্লাহর দরবারে

কবুল হয় তবে এর প্রতিদান প্রদানকারী পরওয়ারদিগার তাকে চিনেন, অতএব নিজের মুখে নিজের গুণাবলী এবং নেকী প্রকাশ করে নিজেকে পরিছন্ন বলোনা, কেননা কোরআনে করীমে এর নিষেধাজ্ঞা বর্ণিত হয়েছে।

২৭তম পারা সূরা নাজমের ৩২ নং আয়াতে ইরশাদ হচ্ছে:

فَلَا تُزَكُّوْا اَنْفُسَكُمْ

هُوَ اَعْلَمُ بِمَنْ اَتَّقَى

(পারা ২৭, সূরা নাজম, আয়াত ৩২)

কানযুল ঈমান থেকে অনুবাদ: সুতরাং নিজেরা নিজেদেরকে পবিত্র পরিছন্ন বলো না; তিনি ভালভাবে জানেন যারা খোদাভীরু।

صَلُّوْا عَلَی الْحَبِیْب! صَلَّى اللهُ عَلَی مُحَمَّدٍ

রিয়াকারীর ধ্বংসলীলা

প্রিয় ইসলামী ভাইয়েরা! মনে রাখবেন! রিয়া কবীরা গুনাহ, হারাম এবং জাহান্নামে নিয়ে যাওয়ার মতো কাজ, আল্লাহ পাক এবং তাঁর রাসূল صَلَّى اللهُ عَلَيْهِ وَآلِهِ وَسَلَّمَ এর অসম্মুষ্টির কারণ আর এর কারণে আমলও নষ্ট হয়ে যায়, রিয়াকাররা কিয়ামতের দিন আফসোস করবে, রিয়া যুক্ত আমল আল্লাহ পাকের দরবারে কবুল হয় না, তাকে অপদস্ততার আযাব দেয়া হবে, তার উপর জান্নাত হারাম, সে জান্নাতের সুগন্ধি থেকে বঞ্চিত থাকবে, তাকে অভিশাপ করা হয়েছে এবং আখিরাতের কোন অংশ থাকবে না। আল্লাহ পাক আমাদেরকে রিয়াকারীর আপদ থেকে নিরাপদ রাখুন।

প্রিয় ইসলামী ভাইয়েরা! নেকী সমূহ প্রকাশ করার যে ক্ষতি বর্ণনা করা হয়েছে, তার প্রতি সজাগ থেকে আমাদেরকে নিজেদের নেকী গোপন করা উচিত, তবে যদি অন্য কাউকে নিজের নেকী প্রকাশ করতে দেখে তবে তার প্রতি কুধারনা কখনোই করবেন না যে, সে রিয়া বা প্রসিদ্ধি লাভের জন্য নিজের ইবাদত এবং নেক আমল প্রকাশ করছে, বরং তার সম্পর্কে

ভাল ধারণা রাখবেন, যেমন; হতে পারে যে, তার দৃষ্টিতে কোন নেয়ামতের প্রকাশ বা কোন নেক আমলের উৎসাহ প্রদানের ইচ্ছা রয়েছে। অতএব সেই ব্যক্তি নিজের নেকী প্রকাশে ভাল নিয়্যতের কারণে গুনাহগার হলো না। অবশ্য মুসলমানের প্রতি কুধারনাকারী হারাম কাজে লিপ্ত হয়ে গেলো। আল্লাহ পাক আমাদেরকে রিয়া, কুধারণা এবং অন্যান্য বাতেনী রোগ থেকে আরোগ্য নসীব করুক।

গুনাহও গোপন করুন

প্রিয় ইসলামী ভাইয়েরা! নেকী গোপন করার উৎসাহ দেয়া হয়েছে আর গুনাহ গোপন করার আদেশ দেয়া হয়েছে। নেকী তো এই কারণে গোপন করা হয়, যাতে তা অহঙ্কার ও রিয়া ইত্যাদির কারণে নষ্ট না হয়ে যায় আর গুনাহকে এই জন্যই গোপন করা হয় যে, তা প্রথম থেকেই আল্লাহ পাকের অসন্তুষ্টির কারণ হয়ে থাকে এবং তা প্রকাশ করা সাহস ও নির্ভীকতার পরিচায়ক, অতএব তা কখনোই প্রকাশ করবে না। ফতোওয়ায়ে শামীতে রয়েছে: **إِظْهَارُ النِّعَمِ مَعْصِيَةٌ** অর্থাৎ গুনাহ প্রকাশ করাও গুনাহ।

(রদ্দুল মুহতার, কিতাবুস সালাত, ২/৬৫০)

রাসূলে পাক **صَلَّى اللهُ عَلَيْهِ وَآلِهِ وَسَلَّمَ** কে এরূপ ইরশাদ করতে শুনা গেছে যে, আমার সকল উম্মতকে ক্ষমা করে দেয়া হবে, তবে ঐসকল লোক ব্যতীত, যারা গুনাহ প্রকাশ করে এবং গুনাহ প্রকাশ করার অবস্থা এমন যে, কোন পুরুষ রাতে কোন (গুনাহের) কাজ করলো, অতঃপর সকাল হলে আল্লাহ পাক তা গোপন করে নিলো, কিন্তু সে বলে (অর্থাৎ অন্যকে বলে) যে, হে অমুক! আমি কাল রাতে এরূপ করেছি, অথচ সে এই অবস্থায় রাত অতিবাহিত করেছিলো যে, তার দয়ালু প্রতিপালক তা গোপন করে নিতো এবং সকালে সে আল্লাহ পাকের রাখা পর্দাকে খুলে দিলো।

(বুখারী, কিতাবুল আদব, ৪/১১৮, হাদীস ৬০৬৯)

১২টি দ্বীনি কাজের মধ্যে একটি হলো “মাদানী দরস”

প্রিয় ইসলামী ভাইয়েরা! গুনাহ ও রিয়ার ধ্বংসলীলা থেকে মুক্তি পাওয়ার অনেক মাধ্যম রয়েছে, যার মধ্যে একটি গুরুত্বপূর্ণ মাধ্যম হলো যেহী হালকার ১২টি দ্বীনি কাজের মধ্যে একটি দ্বীনি কাজ “মাদানী দরস”, যা ইলমে দ্বীন শিখতে ও শিখাতে খুবই প্রভাবময় মাধ্যম। আমীরে আহলে সুন্নাত **دَامَتْ بَرَكَاتُهُمُ الْعَالِيَةِ** এর কিছু কিতাব ও পুস্তিকা ব্যতীত তাঁর অন্যান্য অবশিষ্ট সকল কিতাব ও পুস্তিকা বিশেষ করে “ফয়যানে সুন্নাত” ১ম খন্ড এবং “ফয়যানে সুন্নাত” ২য় খন্ডের অধ্যায় (১) “গীবত কে তাবাকারিয়া” এবং (২) “নেকীর দাওয়াত”, “ফয়যানে সুন্নাত” ৩য় খন্ডের অধ্যায় “ফয়যানে নামায” থেকে মসজিদ, চৌক, বাজার, দোকান, অফিস এবং ঘর ইত্যাদিতে দরস দেয়াকে সাংগঠনিক পরিভাষায় “মাদানী দরস” বলা হয়। ★ এটি খুবই সুন্দর একটি দ্বীনি কাজ, এর বরকতে মসজিদে বারবার উপস্থিতির সৌভাগ্য অর্জিত হয়। ★ মুসলমানের সাথে সাক্ষাৎ ও “সালামে”র সুন্নাত প্রসার হয়। ★ আমীরে আহলে সুন্নাত **دَامَتْ بَرَكَاتُهُمُ الْعَالِيَةِ** এর বিভিন্ন বিষয় সম্বলিত কিতাব ও পুস্তিকা থেকে ইলমে দ্বীনের মূল্যবান মাদানী ফুল উন্মতে মুসলিমা পর্যন্ত পৌঁছানো যায়। ★ বেনামাযীকে নামাযী বানাতে সহায়ক ভূমিকা পালন করে। ★ মসজিদ ছাড়াও চৌক, বাজার, দোকান ইত্যাদিতে যদি “মাদানী দরস” হয়, তবে এর বরকতে দাওয়াতে ইসলামীর দ্বীনি পরিবেশের সেখানেও প্রসিদ্ধি ও সুনাম হবে। আসুন! উৎসাহ গ্রহণার্থে “মাদানী দরস” এর একটি ঘটনা শুনি।

খারাপ সঙ্গ থেকে মুক্তি অর্জিত হলো

মুর্শিদের দেশের এক ইসলামী ভাইয়ের স্বভাবে খারাপ সহচর্যের কারণে এমন বিশৃঙ্খলা সৃষ্টি হয়ে গিয়েছিলো যে, ছোটদের প্রতি শ্লেহের কোন অনুভূতি ছিলো না, না ছিলো বড়দের আদব ও সম্মানের কোন খেয়াল, কথায় কথায় বাগড়া বিবাদ করা তার স্বভাবে পরিণত হয়ে গিয়েছিলো, এমনকি তার খারাপ স্বভাবের কারণে পরিবারের সকলেই অতিষ্ঠ হয়ে গিয়েছিলো। একদিন “ফয়যানে সুন্নাতে’র দরসে” অংশগ্রহণ করার সৌভাগ্য নসীব হলো। এরপর সে দরসে নিয়মিত অংশগ্রহণ করতে লাগলো, এভাবে “মাদানী দরস” এর বরকতে তার পূর্ববর্তী জীবনের গুনাহ থেকে তাওবা করলো এবং খারাপ সহচর্য থেকে পিছু ছাড়িয়ে দা’ওয়াতে ইসলামীর দ্বীনি পরিবেশের সাথে সম্পৃক্ত হয়ে গেলো।

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

নিজের নেক আমল গোপন করার প্রেরণা সৃষ্টির কয়েকটি পদ্ধতি

(১) নিজের নেক আমল গোপন করার প্রেরণা সৃষ্টির জন্য সত্য অন্তরে আল্লাহ পাকের দরবারে কান্না করে করে দোয়া করুন, কেননা দোয়ার বরকতে বিগড়ে যাওয়া কাজ সুধরে যায়। (২) নেক আমল গোপন করার ফযীলত অধ্যয়ন করুন। (৩) নিজের নেক আমল প্রকাশ করার ক্ষতি অধ্যয়ন করুন। (৪) বুয়ুর্গানে দ্বীনদের رَحْمَةُ اللَّهِ الْبِئِينَ জীবনীর ঈমান সতেজকারী ঘটনা বারবার পাঠ করুন। (৫) সাপ্তাহিক সুন্নাতে ভরা ইজতিমায় অংশগ্রহণ এবং নিয়মিত মাদানী মুযাকারাদেখা ও শুনুন। (৬) আশিকানে রাসূলের সাথে প্রতিমাসে ৩দিনের মাদানী কাফেলায় সফর করুন। (৭) ৭২টি নেক আমলের পুস্তিকা পুরণ করে প্রত্যেক ইসলামী

মাসের প্রথম তারিখে নিজের এলাকার যিম্মাদারকে জমা করানোর অভ্যাস গড়ে নিন। (৮) আশিকানে রাসূলের সহচর্য অবলম্বন করুন। (৯) মাকতাবাতুল মদীনার পুস্তিকা “নেকীয়া চুপাও” অধ্যয়ন করুন। এই পুস্তিকায় নেকী গোপন করার ব্যাপারে আয়াতে করীমা, হাদীসে মুবারাকা, আল্লাহ পাকের নেক বান্দাদের ঘটনাবলী, সংশোধনের অনন্য পদ্ধতি, নিজের নেক আমল প্রকাশের জায়গা অবস্থা, একনিষ্ট হওয়ার নিদর্শন এবং আরো অসংখ্য তথ্যাবলী বিদ্যমান।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

মাদানী চ্যানেল

প্রিয় ইসলামী ভাইয়েরা! বর্তমানে মিডিয়া মগজ ধোলাই ও চরিত্র গঠনের একটি কার্যকর হাতিয়ারের কাজ করছে, অনেক লোক নিজেদের বিশেষ পথভ্রষ্ট, মিথ্যা ধারণা এবং অশ্লিলতা ও নির্লজ্জতা প্রসারের জন্য রাতদিন এর ভুল ব্যবহার করে যাচ্ছে, যার কারণে নতুন প্রজন্ম সেই মন্দ প্রভাব ও ভাবনায় পড়ে যাচ্ছে। এরূপ পরিস্থিতিতে প্রত্যেক ব্যাকুল হৃদয়ের ব্যস একটিই আওয়াজ ছিলো যে, হায়! কেউ যদি মিডিয়ার এই যুদ্ধে আহলে সুন্নাতের আকিদা সংরক্ষণের পতাকা উঠিয়ে নিতো এবং পবিত্র চিন্তা এবং আকিদা ও আমলের সংশোধনের অগ্রদূত একটি খাঁটি ইসলামী চ্যানেল শুরু করতো। আশিকানে রাসূলের দ্বিনি সংগঠন দা'ওয়াতে ইসলামীর মারকাযী মজলিশে শূরা অনেক গভীরভাবে অনুধাবন করলো যে, মুসলমানের ঘর থেকে টিভি বের করা প্রায় অসম্ভব, ব্যস একটিই উপায় দেখা যাচ্ছে এবং তা হলো যে, যখন নদীতে বন্যা আসে তখন তার দিক পরিবর্তন করে ক্ষেত খামারের দিকে করে দেয়া হয়,

যেনো ক্ষেত খামারও সেচ হয়ে যায় এবং বসত বাড়িও ক্ষতি থেকে বাঁচাতে পারে, ঠিক সেইভাবে টিভির মাধ্যমেই মুসলমানের ঘরে প্রবেশ করে তাদেরকে উদাসিনতার ঘুম থেকে জাগ্রত করতে হবে। যখন এই বিভাগ সম্পর্কে অভিজ্ঞতা অর্জন করা হলো, মনে হলো যে, নিজস্ব টিভি চ্যানেল খুলে সিনেমা নাটক, গান বাজনা ও সঙ্গীতের সুর এবং মহিলা প্রদর্শন না করে ১০০ ভাগ ইসলামী বিষয়বস্তু উপস্থাপন করা সম্ভব, তখন **اَلْحَمْدُ لِلّٰهِ** দা'ওয়াতে ইসলামীর মারকাযী বিভাগে শুরার প্রচেষ্টায় ১৪২৯ হিজরীর রমযানুল মুবারক, ডিসেম্বর ২০০৮ ইংরেজীতে মাদানী চ্যানেলের মাধ্যমে ঘরে ঘরে সুন্নাতের বার্তাকে প্রসার করা শুরু হয়ে যায়, মানুষের ঘরের পরিবেশ প্রেম ও ভালবাসায় পরিবর্তিত হয়ে গেলো, মাদানী চ্যানেলের মাধ্যমে লোকেরা শরয়ী মাসআলা জানতে লাগলো এবং দেখতে দেখতেই এর আশ্চর্যজনক মাদানী ফলাফল আসতে থাকে।

صَلُّوْا عَلَيَّ الْحَبِيْب! صَلَّى اللهُ عَلَيَّ مُحَمَّدٍ

বাবরী চুল ও মাথার চুলের সুন্নাত ও আদব

প্রিয় ইসলামী ভাইয়েরা! আসুন! শায়খে তরীকত, আমীরে আহলে সুন্নাত **دَامَتْ بَرَكَاتُهُمُ الْعَالِيَةِ** এর পুস্তিকা “১৬৩ মাদানী ফুল” থেকে বাবরী চুল এবং মাথার চুলের সুন্নাত ও আদব শুনি: ☆ প্রিয় নবী **صَلَّى اللهُ عَلَيْهِ وَآلِهِ وَسَلَّمَ** এর চুল মোবারক (চুলের গোছা) কখনো কান মোবারকের অর্ধেক পর্যন্ত ☆ কখনো কান মোবারকের লতি পর্যন্ত এবং ☆ অনেক সময় চুল মোবারক বেড়ে যেত তখন সেগুলো কাধ মোবারক দু’টিকে স্পর্শ করত। (আশশামায়িলুল মুহাম্মদীয়া, ১৮, ৩৪, ৩৫ পৃষ্ঠা) ☆ হযরত আল্লামা মাওলানা মুফতী মুহাম্মদ আমজাদ আলী আযমী **رَحْمَةُ اللهِ عَلَيْهِ** বলেন: পুরুষের জন্য মহিলাদের

মত চুল লম্বা করা জায়িয় নেই, কিছু কিছু মানুষ সুফী সাজার জন্য লম্বা লম্বা চুল ধারণ করে, যা তাদের বুকে সাপের মত ঝুলে থাকে, আর কিছু (মহিলাদের মত) খোঁপা বেধে নেয়, এসবই নাজায়িয় এবং শরীয়াতের পরিপন্থি। (বাহারে শরীয়াত, ৩/৫৮৭) ★ সুনাত হচ্ছে, যদি মাথায় চুল থাকে, তবে মধ্যখানে সিঁথী কাটা। (বাহারে শরীয়াত, ৩/৫৮৭)

ঘোষণা

বাবরী চুল এবং মাথার চুল রাখার অবশিষ্ট সুনাত ও আদব তারবিয়্যতি হালকায় বর্ণনা করা হবে, সুতরাং তা জানতে তারবিয়্যতি হালকায় অবশ্যই অংশগ্রহণ করুন।

দা'ওয়াতে ইসলামীর সাপ্তাহিক ইজতিমায় পাঠিত ৬টি দরুদ শরীফ ও ২টি দোয়া

(১) বৃহস্পতিবার রাতের দরুদ শরীফ:

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ النَّبِيِّ الْأُمِّيِّ الْحَبِيبِ الْعَالِي

الْقَدْرِ الْعَظِيمِ الْجَاهِ وَعَلَى آلِهِ وَصَحْبِهِ وَسَلِّمْ

বুয়ুর্গরা বলেছেন: যে ব্যক্তি প্রত্যেক জুমার রাতে (বৃহস্পতিবার দিবাগত রাত) এ দরুদ শরীফ নিয়মিতভাবে কমপক্ষে একবার পাঠ করবে মৃত্যুর সময় রাসূলে পাক صَلَّى اللهُ عَلَيْهِ وَآلِهِ وَسَلَّمَ এর যিয়ারত লাভ করবে এবং কবরে প্রবেশ করার সময় এটাও দেখবে যে, প্রিয় নবী صَلَّى اللهُ عَلَيْهِ وَآلِهِ وَسَلَّمَ আপন রহমতপূর্ণ হাতে তাকে কবরে রাখছেন।

(আফযালুস সালাওয়াতি আ'লা সাযিদিস সাদাত, ১৫১ পৃষ্ঠা)

(২) সমস্ত গুনাহের ক্ষমা:

اللَّهُمَّ صَلِّ عَلَى سَيِّدِنَا وَمَوْلَانَا مُحَمَّدٍ وَعَلَىٰ آلِهِ وَسَلَّمَ

হযরত সাযিয়দুনা আনাস رَضِيَ اللهُ عَنْهُ থেকে বর্ণিত; নবী করীম, রউফুর রহীম صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি এ দরুদ শরীফ পাঠ করবে যদি সে দাঁড়ানো থাকে তবে বসার পূর্বে আর বসা থাকলে দাঁড়ানোর পূর্বে তার গুনাহ ক্ষমা করে দেয়া হবে।” (আফযালুস সালাওয়াতি আ’লা সাযিয়দিস সাদাত, ৬৫ পৃষ্ঠা)

(৩) রহমতের ৭০টি দরজা:

صَلَّى اللهُ عَلَى مُحَمَّدٍ

যে ব্যক্তি এ দরুদ শরীফ পাঠ করবে তার উপর রহমতের ৭০টি দরজা খুলে দেয়া হয়। (আল কুউলুল বদী, দ্বিতীয় অধ্যায়, ২৭৭ পৃষ্ঠা)

(৪) ছয়লক্ষ দরুদ শরীফ পাঠ করার সাওয়াব:

اللَّهُمَّ صَلِّ عَلَى سَيِّدِنَا مُحَمَّدٍ عَدَدَ مَا فِي عِلْمِ اللَّهِ صَلَاةً دَائِمَةً بَدْوَامِ مُلْكِ اللَّهِ

হযরত আহমদ সাভী رَحِمَهُ اللهُ عَلَيْهِ কতিপয় বুয়ুর্গদের থেকে বর্ণনা করেন: এ দরুদ শরীফ একবার পাঠ করলে ছয়লক্ষবার দরুদ শরীফ পাঠ করার সাওয়াব অর্জন হয়। (আফযালুস সালাওয়াতি আ’লা সাযিয়দিস সাদাত, ১৪৯ পৃষ্ঠা)

(৫) নবী করীম ﷺ এর নৈকট্য লাভ:

اللَّهُمَّ صَلِّ عَلَى مُحَمَّدٍ كَمَا تُحِبُّ وَتَرْضَى لَهُ

একদিন এক ব্যক্তি আসলো শ্রিয় নবী صَلَّى اللهُ عَلَيْهِ وَآلِهِ وَسَلَّمَ তাঁকে নিজের এবং সিদ্দীকে আকবর رَضِيَ اللهُ عَنْهُ এর মাঝখানে বসালেন এতে সাহাবায়ে কিরামগণ عَلَيْهِمُ الرِّضْوَان আশ্চর্যান্বিত হলেন যে এ সম্মানিত লোকটি কে! যখন

তিনি চলে গেলেন তখন রাসূলে পাক صَلَّى اللهُ عَلَيْهِ وَآلِهِ وَسَلَّمَ ইরশাদ করলেন: “সে যখন আমার উপর দরুদ শরীফ পাঠ করে তখন এভাবে পড়ে।”

(আল কুউলুল বদী, প্রথম অধ্যায়, ১২৫ পৃষ্ঠা)

(৬) দরুদে শাফায়াত:

اللَّهُمَّ صَلِّ عَلَى مُحَمَّدٍ وَأَنْزِلْهُ الْمَقْعَدَ الْمَقْرَّبَ عِنْدَكَ يَوْمَ الْقِيَامَةِ

নবী করীম, রউফুর রহীম صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি এভাবে দরুদ শরীফ পাঠ করবে, তার জন্য আমার শাফায়াত (সুপারিশ) ওয়াজীব হয়ে যায়।” (আত তারগীব ওয়াত তারহীব, ২/৩২৯, হাদীস ৩০)

(১) এক হাজার দিনের নেকী

جَزَى اللهُ عَنَّا مُحَمَّدًا مَا هُوَ أَهْلُهُ

হযরত সায্যিদুনা ইবনে আব্বাস رَضِيَ اللهُ عَنْهُمَا থেকে বর্ণিত, প্রিয় নবী, মক্কী মাদানী মুস্তাফা صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “এ দোয়া পাঠকারীর জন্য সত্তরজন ফিরিশতা এক হাজার দিন পর্যন্ত নেকী সমূহ লিখতে থাকেন।”

(মাজমাউয যাওয়াদিদ, কিতাবুল আদইয়াহ, ১০/২৫৪, হাদীস ১৭৩০৫)

(২) যেন শবে কদর পেয়ে গেলো:

لَا إِلَهَ إِلَّا اللَّهُ الْحَلِيمُ الْكَرِيمُ سُبْحَانَ اللَّهِ رَبِّ السَّمَوَاتِ السَّبْعِ وَرَبِّ الْعَرْشِ الْعَظِيمِ

সহনশীল দয়ালু আল্লাহ পাক ব্যতীত ইবাদতের উপযোগী কেউ নেই। আল্লাহ পাক পবিত্র, যিনি সন্ত আসমান ও আরশে আযীমের মালিক ও প্রতিপালক।

ফরমানে মুস্তাফা صَلَّى اللهُ عَلَيْهِ وَآلِهِ وَسَلَّمَ: যে ব্যক্তি রাতে এ দোয়া তিনবার পড়ে নিবে সে যেন শবে কদর পেয়ে গেলো। (তারীখে ইবনে আসাকীর, ১৯/৪৪১৫)